

Inatsisartut suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Apeqqut:

- 1) Pisortani aqqissuusseqqinnermut suliniut akileraartarnikkut aningaasalersuinissamut Naalakkersuisoqatigiinnik saqqummiunneqartoq 187 millioner kroner qanoq iliorluni aningaasalerniarneqarpa, kikkullu akilissaavaat?
 - 1a) Kingumut aasiit innuttaasut kaasarfiinik aallerfiginiarneqarpaat?
- 2) Nunatsinni suliffeqarfiit sulisoqarniarnikkut pingaaruteqarnerarlugit suliffeqarnermi akitsuut qaffanniarneqartoq 106 millioner kroner. Kikkunuku aningaasanik aallerfiginiarneqalersut?
- 3) Tusagassiorfinnut nalunaarummi takuarput aningaasalersuinissat sinneri tassaasut 53 millioner kroner. Taakku suminganiit nassaariniarneqarnersut ersarissumik paaserusuppara aamma apeqqutip akineqarnissaa, ernumanarsiartuinnarmammi, aasiit inuit kaasarfiinik aningaasalersuinerit ingerlanneqarniarnersut?
- 4) Akileraartarnikkut aqqissuusseqqinnissami aningaasanik isertitakkat ilai kommunit annaasussaavaat, taamaammat paaserusullugu apeqqutigerusunnarpoq qanoq iliorluni kommunit isertitakkamik annaasassaat aningaasalersorneqassanersut?
 - 4a) Innuttaasunik kaarfissiuinikkut aningaasalersorneqassanersut?

(Inatsisartuni ilaasortaq Hans Enoksen, Naleraq)

Tungavilersuut:

Akileraartarnikkut aqqissuusseqqinnissaq aappaagumut atulertussaq saqqummiunneqarput, kisianni massakkumut paasinarsivoq aningaasalersuinissami siunnerfigineqartut suli nassaarineqarsimanngitsut tassami nalunaarummi oqaatigineqarput 360 millioner kroner suminganiit aningaasarpasuit nassaarineqassapat. Aasiit innuttaasut kaasarfiinik Naalakkersuisut aallerniarnerpat, ernunamanaallak taamatut pisoqassapat.

Apeqqutikka ullut suliffiusut qulit qaangiutsinnagit akineqarnissaat piumasaraara.